

**Риёзус солиҳийн шарҳи / Ҳаё ва унинг фазилати ҳамда у билан хулқланишга одатланмоққа тарғиб қилиш ҳақида / 688-ҳадис**

688 – وَعَنْهُ قَالَ: قُلْتُ: يَا رَسُولَ اللَّهِ؛ أَلَا تَسْتَعْمِلُنِي؟ فَضَرَبَ بِيَدِهِ عَلَيَّ مِنْكِبِي، ثُمَّ قَالَ: «يَا أَبَا ذَرٍّ؛ إِنَّكَ ضَعِيفٌ، وَإِنَّهَا أَمَانَةٌ، وَإِنَّهَا يَوْمَ الْقِيَامَةِ خِزْيٌ وَنَدَامَةٌ، إِلَّا مَنْ أَخَذَهَا بِحَقِّهَا، وَأَدَّى الَّذِي عَلَيْهِ فِيهَا». رَوَاهُ مُسْلِمٌ [1825].

688. Яна у кишидан ривоят қилинади:

«Эй Аллоҳнинг Расули, мени (бирор жойга) бошлиқ қилмайсизми?» дедим. У зот қўллари билан елкамга қоқиб, сўнг шундай дедилар: **«Эй Абу Зарр, сен заифсан, у (бошлиқлик) эса омонатдир. Бу нарса Қиёмат куни уни ҳақли равишда олиб, зиммасидагини адо этганлардан бошқаларга хорлик ва надомат бўлади».**

*Имом Муслим ривояти.*

**Шарҳ:** Ислом ҳоким ва волийлик мансабини сўраб, талабгор бўлганларга бермайди. Ҳокимликка ҳақли кишилар унга талабгор бўлмай, уни қабул қилмаганлардир.

Мансаб буюк омонат ва хавфли масъулиятдир. Ким унга ўтирса, ҳаққиға риоя қилиб, Аллоҳга берган аҳдиган хиёнат қилмаслиги лозим.

Манба: [hadis.islom.uz](http://hadis.islom.uz)



HADIS.ISLOM.UZ  
NUBUVVAT MARVARIDLARI

